



Nuuk, 14.september 2010

Inatsisartut suleriaasiat § 36, immikkoortoq 1 naapertorlugu Naalakkersuisunut apeqquteqaat.

Apeqquteqaat:

Kangilinnguit nuunneqarnissaanut piareersaasiornert sumut killinneqarnerinut atatillugu apeqquteqaatigissavara suleriaatsit qanoq ittut atorlugit aalajangiiniarnerit ingerlanneqarpat, kikkut qangalu suullu pillugit ataatsimeeqatiginninnerit ingerlanneqarpat, tamatumani Kujataata Kommunua ataatsimiinnerni peqataatinneqartarsimappat qanoq oqariartuuteqarpa, Kujataata Kommunea peqataatinneqarsimangippat suut tunngavigalugit peqatatinneqanngila, Narsarsuullu Mittarfia suliaminnik ingerlatsiinnarnissaat qulakkeeqqava, aammalu siunnerfiit suut tunngavigalugit aalajangiinerit ingerlanniarneqarpat pineqartumi?

Kangilinnguani ingerlatat nuunneqarnissaat pillugu Inatsisartunut saqqummiussisoqassava?

(Inatsisartunut ilaasortaq Akitsinnguaq Olsen, Siumut)

Tunngavilersuut:

Kangilinnguit nuutinniarneqarnerani tusarniaanerit qanoq ingerlanneqarsimanerinut paasissutissanik saqqummiussisoqarnissaa kissaatiginarpoq, pisussami aalajangiussinerit sumiiffinni aammalu nunatsinni immikkoortortaqarfinni aaqqissusseqqinnissami pingaaruteqarsinnaalluartunik kinguneqaratarsinnaanera aallaavigalugit apeqquteqaatit siuliani pineqartut ingerlateqqippakka, innuttaasut pineqartut nunalu tamakkerlugu aaqqissusseqqinnissamik oqariartuuteqarnerit maanna Naalakkersuisuutitaqartut saqqummiuttagaat pisussami siunissamilu qanoq sunniuteqarnissaat aalajangiiniarnernilu tunngavilersuutigineqartut tusarusukkakkat.

Ikinngutinnersumik inuulluaqqusillunga

Akitsinnguaq Olsen, Siumut